

Zona di Convergencia Intertropical a keda hopi activo **1988 a kibra record di awacero na Augustus**

Hopi yobida pa Aruba for di inicio di temporada di horcan

ORANJESTAD(AAN)-- Normalmente temporada di yobida ta cuminsa na mitar di September o cuminzamento di October. Pero e aña aki e lunanan cu normalmente ta hopi seco, a transforma nan mes den temporada di awacero. Augustus a kibra record aparentemente y na e luna aki awacero a surpasa cifranan di añanan anterior cu casi 300 Porciento.

E Zona di Convergencia Intertropical, cu ta percura hopi biaha pa awacero, e aña aki a keda casi constantemente activo produciendo actividadnan di yobida. Normalmente na lunanan di Juni, Juli y Augustus, Aruba ta registra awacero ora por ehemplo un ola tropical pasa ariba e isla o pa algun dia activa e Zona di Convergencia Intertropical. E aña aki awacero a dicidi di cay casi constantemente durante e temporada, considera pa region di Caribe, como Temporada di Horcan, iniciando na Juni.

Cifranan copia ta muestra cu na Juni a registra 38 mm. di yobida, cu ta 47 Porciento mas cu normal, mientras cu Juli a trece 64 mm. di awacero, cu ta 106 Porciento mas cu normal. Na Augustus recordnan a kibra. Normalmente ta registra alrededor di 40 mm. di yobida na Augustus, pero e aña aki e luna a worde acompaña pa 160

mm., cu ta cuatro bez mas cu normal.

Cifranan preliminar ta sigui muestra cu durante Augustus

tabata tin 15 dia cu a registra mas di 1 mm. di awacero, cu a comporta hopi bon cu Aruba e aña aki. Resultadonan pa 1988

te awor, pa loke ta trata awacero, ta muestra cu en total ya a registra alrededor di 350 mm. di awacero na Aruba e aña

aki. Un cifra cu a worde alcanza cu yudanza di e ultimo tres lunanan, ya cu aña a habri cu segura casi absoluto.

Coriendo riesgo cu cosecha por bay perdi

Varios cunukero a cuminsa planta

ORANJESTAD(AAN)--

Na momento cu yobida frecuente a presenta su mes durante ultimo lunanan, un grupo di cunukero a coy chapi den nan man. Cu e riesgo cu cosecha por fracasa pa segura, cu ainda por presenta su mes, o mucho awa ora yobidanen mes bini, nan a cuminsa planta. Mientrastanto ya tin algun producto ariba mercado, sea na prijs mas alto cu normal.

Un Kilo di comcommer chikito cultiva na Aruba, ta costa actualmente fls 4,-. Prijs cu ta worde pidi na fin di aña ta fls.1,- o fls.1,50 pa liber. E prijs cu ta worde pidi pa bonchi tambe ta mas alto, mientras si tur cos bay bon, pinda tambe lo worde poni pronto ariba mercado. Coriendo e riesgo di fracaso, un grupo di cunukero a cuminsa planta pa pone nan productonan ariba mercado

Haciendo uso di yobidanen nan a cuminsa planta. Algun producto, manera comcommer chikito y bonchi ya ta ariba mercado, pero na prijs mas alto cu normal.

promer cu e temporada normal di cosecha yega. Si nan tin exito, nan por cobra mas, ya cu nan lo no topa cu e cantidad grandi di productonan di horticultura ariba mercado. Algun a planta maishi tarda tambe, mientras otro grupo di cunukero ta prefera di warda e temporada di yobida promer cu nan pone man na obra pa asina evita cu cosecha por bay perdi.

Na momento cu yobida a cuminsa manifesta su mes na

Juni, Juli y na Augustus, un grupo di cunukero a dicidi di tuma e riesgo, especialmente ora nan a ripara cu awa a sigui cay. Algun di nan productonan ta ariba mercado, mientras nan ta sigui planta.

E riesgo cu nan ta core por bini di dos extremo. Di un banda, ainda temporada di yobida mes no a cuminsa, loke kier meen cu e yobidanen por bay stop di ripiente y keda algun siman sin awacero. Di

otro banda, esnan cu ta planta mester tene cuenta cu nan mester tin un bon sistema pa deshaci di awa den nan cunucu, pa asina e awa no acumula ora yobida pisa despues presenta su mes y asina putri e raiz di loke a worde planta.

Mientras un grupo a cuminsa planta otro nan ta keda warda ariba October, cu mester marca inicio di e temporada, cu diariamente lo por spera awacero.

Awacero a obstaculiza trabao

No por revisa tur tanki y dam aña aki

Aruba ta conta cu alrededor di 80 tanki y dam

ORANJESTAD(AAN)--

E yobidanen, cu a worde registra e aña aki, a satura e suelo cu tabata hopi seco. E tankinan y damnan casi no a haya alivio real. Loke si a pasa ta, cu awacero a muha e randnan loke ta haci cu no por bay cu equipo pisa pa realiza trabaoan di revision.

Generalmente Juni, Juli y Augustus ta worde considera lunanan seco, esta sin yobida constante. Lunanan, cu ta worde usa pa prepara pa temporada di yobida, ora tankinan y damnan mester yena cu awa y por cuminsa planta.

E aña aki mas awa cu normal a cay na e lunanan aki, pero e yobida no a penetra den suelo, cu tabata hopi seco despues di un promer mitar di aña marca pa segura. Dia 30 di Augustus a cay basta awa, cu a cuminsa yena e tankinan, pero e no tabata naturalmente suficiente pa surti mucho efecto.

Mientras labornan pa mantencion di tankinan y damnan mester a continua, yobida a obstrui trabao. E randnan a muha loke a haci cu ta sumamente peligroso y hasta imposible pa bay traha na e situacion aki. Esaki ta haci cu e

aña aki unicamente por traha na cierto cantidad di dam y tanki y otro aña mester continua cu e labornan.

Na Aruba tin alrededor di 80 dam y tanki. Mientras hopi biaha tanki y dam ta worde menciona den mes rosea, tin diferencia entre nan. Un tanki, hopi biaha presente ariba terenonan priva, ta worde coba. Un dam ta conta cu un sistema cu ta hiba awa ne, y cu un obstruccion lanta ariba tera, cu ta stroba awa di sigui core.

Mester anota, cu hopi biaha ora nan papia di dam na Aruba, realmente nan kier meen tanki.



Has vacancies for
MARKETING REPRESENTATIVES

Applicants must be:

-presentable and with nice personality.
-fluent in English, Spanish, Dutch.

Company will provide training.

Minimum Salary guaranteed.

Cash incentives.

Other interesting benefits.

Please apply in person from 09.00-12.00 on
thursday, friday and saturday, Sept. 8-9-10, at the
Sales and Marketing Office at LA QUINTA
BEACH RESORT. Please ask for Ms. Sierra Arends
O.P.C. Manager. Tel: 34133.